

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo trgovine, turizma i saobraćaja

Broj: 05/1-11-006259-7/25
Tuzla, 01.04.2025. godine

Na osnovu člana 64. stav (1), tačka b), člana 70. stav (3) i (6) Zakona o javnim nabavkama („Službeni glasnik BiH” br. 39/14, 59/22 i 50/25), i Zapisnika o ocjeni ponuda sa preporukom Komisije za izbor najpovoljnijeg ponuđača, broj: 05/1-11-006259-6/25 od 01.04.2025. godine, ministar trgovine, turizma i saobraćaja d o n o s i:

O D L U K U
O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za javnu nabavku u sklopu Zapisnika o ocjeni ponuda broj: 05/1-11-006259-6/25 od 01.04.2025. godine, da se u cilju odabira najpovoljnijeg ponuđača po provedenom otvorenom postupku javne nabavke za nabavku usluge u području odnosa s javnošću promocije turizma Tuzlanskog kantona, Ugovor za javnu nabavku dodijeli ponuđaču „Wolf Media d.o.o. Sarajevo“, sa sjedištem u ul. Kaptol br.1, 71000 Sarajevo, ID: 4202807430005, sa najbolje ocijenjenom i prihvatljivom Ponudom za predmetnu nabavku usluge, za ponuđenu cijenu od 79.990,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču „Wolf Media d.o.o. Sarajevo“, najkasnije u roku od 15 dana, računajući od dana od kada je ponudač obaviješten o izboru najpovoljnijeg ponuđača.

Član 3.

Ova Odluka objavit će se na web-stranici Ugovornog organa (www.vladatk.kim.ba) istovremeno s upućivanjem primjerka Odluke ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” br. 39/14, 59/22 i 50/24).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 05/1-11-006259/25 od 07.03.2025. godine. Procijenjena vrijednost javne nabavke je 128.200,00 KM.

Javna nabavka je planirana u Planu javnih nabavki za 2025. godinu, za nabavku usluge u području odnosa s javnošću promocije turizma Tuzlanskog kantona, pod rednim brojem 17.

Javna nabavka je sprovedena putem otvorenog postupka javne nabavke.

Predviđeno je zaključivanje ugovora sa jednim ponuđačem u vremenskom periodu do 27.12.2025.godine. Kriterij za ocjenu ponuda je "najniža cijena" tehnički zadovoljavajuće ponude. Obavještenje o nabavci usluge broj: 698-1-2-7-3-24/25 je objavljeno na Portalu javnih nabavki (www.ejn.gov.ba) od 07.03.2025. godine.

Komisija za javnu nabavku imenovana je Rješenjem broj: 05/1-30-004802/25 od 10.02.2025. godine. Komisija za javnu nabavku dostavila je Zapisnik sa otvaranja ponuda broj: 05/1-11-006259-5/25 od 27.03.2025.godine, Zapisnik o ocjeni ponuda sa preporukom Komisije o izboru najpovoljnijeg ponuđača, broj: 05/1-11-006259-6/25 od 01.04.2025.godine u postupku javne nabavke usluge u području odnosa s javnošću promocije turizma Tuzlanskog kantona.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljene ponude i njenu ocjenu, o čemu je sačinila odgovarajući Zapisnik, u kojem je utvrđeno slijedeće:

- U skladu sa provedenim postupkom iz člana 1. ove odluke, svoju ponudu dostavili su sljedeći ponuđači:

1. COLOSEUM d.o.o. Tuzla
2. ZPR Agencija Sarajevo
3. Mita Group d.o.o. Sarajevo
4. Avaz-roto press“ d.o.o. Sarajevo
5. Wolf Media d.o.o. Sarajevo

Konstatovano je:

- da je ukupno dostavljeno pet (5) blagovremenih ponuda,
- da ponude ponuđača „ZPR Agencija“ Sarajevo, „Avaz-roto press“ d.o.o. Sarajevo i „Wolf Media“ d.o.o. Sarajevo u postupku nabavke ispunjavaju formalno - pravne uslove u skladu sa Zakonom o javnim nabavkama i otvorenog postupka javne nabavke.
- da ponuda COLOSEUM d.o.o. Tuzla ocijenjena kao nepravilna iz razloga što nije propisano dostavljena Potvrda od poslovne banke u kojoj je otvoren glavni račun da u zadnjih 6 mjeseci GLAVNI račun nije bio u blokadi računajući od dana objave tendera ili od početka rada ako je ponuđač osnovan prije manje od 6 mjeseci, u skladu sa tačkom 3.3. tenderske dokumentacije, i Garancija za ozbiljnost ponude je probušena i nije dostavljena u skladu sa članom 3. Pravilnika o formi garancije za ozbiljnost ponude (Sl. glasnik BiH, broj 90/14). Stoga je ponuda odbačena u skladu sa članom 68. stav (4) tačka i) ZJN jer nije potpuna i ne ispunjava zahtjeve iz tenderske dokumentacije.
- da ponuda Mita Group d.o.o. Sarajevo ocijenjena kao nepravilna iz razloga što nije preuzeo izmjenu tenderske dokumentacije i u sklopu ponude nije dostavljen izmijenjen obrazac za cijenu ponude Aneks III i obrazac specifikacije Aneks IX. Stoga je ponuda odbačena u skladu sa članom 68. stav (4) tačka i) ZJN jer nije potpuna i ne ispunjava zahtjeve iz tenderske dokumentacije.

Obzirom da je održavanje e-aukcije bilo predviđeno tenderskom dokumentacijom, Komisija je zakazala e-aukciju dana 31.03.2025. godine u 09:15 sati.

Dana 01.04.2025. godine, Komisija je nastavila sa radom, nakon što je na portalu javnih nabavki www.ejn.gov.ba kreiran Izvještaj o toku i završetku e-aukcije dana 31.03.2025.godine. U Izvještaju je kreirana konačna rang lista ponuđača koji su učestvovali na e-aukciji, prema kriteriju najniže ponuđene cijene.

U postupku donošenja ove odluke, posebno su cijenjene činjenice da je Komisija pravilno izvršila ocjenu kvalifikovanosti ponuđača te ocijenila prispjele ponude u skladu sa Zakonom o javnim nabavkama („Službeni glasnik BiH“ br. 39/14, 59/22 i 50/24) i kriterijima iz otvorenog postupka. Uzimajući u obzir naprijed navedeno, primjenom člana 64. stav 1. tačka b) Zakona o javnim nabavkama („Službeni glasnik BiH“ br. 39/14, 59/22 i 50/24), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku usluge.

POUKA O PRAVNOM LIJEKU: Protiv ove Odluke ponuđač koji je učestvovao u postupku nabavke može izjaviti žalbu u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Ministarstva trgovine, turizma i saobraćaja Tuzlanskog kantona, u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR
Almir Žilić, dipl. ecc.

Dostavljeno:

- 1x ZPR Agencija Sarajevo
- 1x Avaz-roto press“ d.o.o. Sarajevo
- 1x Wolf Media d.o.o. Sarajevo
- 1x Mita Group d.o.o. Sarajevo
- 1x COLOSEUM d.o.o. Tuzla
- 1x a/a